

Կ Ա Ր Գ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՏԱՔԻՆ ԳՈՐԾԵՐԻ ՆԱԽԱՐԱՐՈՒԹՅՈՒՆԻՑ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՅԼ ՊԵՏԱԿԱՆ ՄԱՐՄԻՆՆԵՐ ԴԻՎԱՆԱԳԵՏԻ
ԳՈՐԾՈՒՂՄԱՆ

1. Սույն կարգով կարգավորվում են Հայաստանի Հանրապետության արտաքին գործերի նախարարությունից (այսուհետ՝ նախարարություն) Հայաստանի Հանրապետության այլ պետական մարմիններ (այսուհետ՝ պետական մարմին) դիվանագետի գործուղման հետ կապված հարաբերությունները:

2. Դիվանագետը նախարարության աշխատակազմից կամ աշխատակազմի առանձնացված ստորաբաժանումից համապատասխան պետական մարմնի աշխատակազմ գործուղվում է իր համաձայնությամբ՝ նախարարության և տվյալ պետական մարմնի միջև պայմանավորվածության համաձայն:

Պետական մարմնում քաղաքացիական ծառայության պաշտոնի գործուղվելու դեպքում պահանջվում է Հայաստանի Հանրապետության քաղաքացիական ծառայության խորհրդի համաձայնությունը:

3. Դիվանագետը, որպես կանոն, գործուղվում է պետական մարմնի աշխատակազմի արտաքին կապերի ստորաբաժանման՝ իր զբաղեցրած դիվանագիտական ծառայության պաշտոնին հավասարագոր քաղաքացիական ծառայության պաշտոնի:

Ելնելով աշխատանքային անհրաժեշտությունից, նախարարության և համապատասխան պետական մարմնի փոխադարձ պայմանավորվածությամբ, դիվանագետը կարող է

նշանակվել իր զբաղեցրած դիվանագիտական ծառայության պաշտոնին հավասարագոր քաղաքացիական ծառայության պաշտոնից ավելի բարձր պաշտոնի:

Այլ ծառայության պաշտոնի գործուղվելու դեպքում դիվանագիտական ծառայության և այլ ծառայությունների պաշտոնների հավասարագորությունը որոշվում է սույն կարգի 2-րդ կետում նշված՝ գործուղման կոնկրետ դեպքի կապակցությամբ նախարարության և պետական մարմնի միջև պայմանավորվածության շրջանակներում:

4. Գործուղման վերաբերյալ սույն կարգի 2-րդ և 3-րդ կետերով նախատեսված պայմանավորվածությունը ձեռք բերելիս նշվում է նաև գործուղման ժամկետը, որը չի կարող գերազանցել 3 տարին:

5. Սույն կարգի 2-րդ կետով նախատեսված պահանջների պահպանմամբ պայմանավորվածության ձեռքբերումից հետո Հայաստանի Հանրապետության արտաքին գործերի նախարարն ընդունում է որոշում դիվանագետին իր զբաղեցրած պաշտոնից ազատելու և տվյալ պետական մարմին գործուղելու մասին, իսկ պետական մարմնի տվյալ պաշտոնում նշանակելու իրավասություն ունեցող պաշտոնատար անձը՝ համապատասխան պաշտոնում նշանակելու մասին:

6. Դիվանագետը գործուղման ընթացքում պահպանում է իր դիվանագիտական աստիճանը, օգտվում է դիվանագետի համար սահմանված իրավունքներից, կարող է ընդհանուր հիմունքներով ստանալ հաջորդ դիվանագիտական աստիճանը և մասնակցել դիվանագիտական ծառայության թափուր պաշտոնի համար հայտարարված ներքին մրցույթին:

7. Գործուղման ժամկետը հաշվարկվում է դիվանագիտական ծառայության ստաժի մեջ:

8. Գործուղման ընթացքում դիվանագետի նկատմամբ օրենքով նախատեսված խրախուսանքի միջոցներն ու կարգապահական տույժերը կիրառվում են պետական մարմնի տվյալ պաշտոնում նշանակելու իրավասություն ունեցող պաշտոնատար անձի, իսկ Հայաստանի Հանրապետության Նախագահի կամ Հայաստանի Հանրապետության կառա-

վարության աշխատակազմ գործողված դիվանագետի նկատմամբ՝ համապատասխանաբար Հայաստանի Հանրապետության Նախագահի աշխատակազմի ղեկավարի կամ Հայաստանի Հանրապետության կառավարության աշխատակազմի ղեկավարի կողմից:

9. Գործողման ժամկետը լրանալուց հետո Հայաստանի Հանրապետության արտաքին գործերի նախարարի համապատասխան հրամանով դիվանագետը վերականգնվում է մինչև գործողումն իր զբաղեցրած պաշտոնում կամ հավասարազոր այլ պաշտոնում:

10. Չի թույլատրվում գործողման ժամկետի ավարտից հետո դիվանագետի գործողումը նույն կամ այլ պետական մարմին:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ

Գ. ՍԱՐԳՍՅԱՆ

Կ Ա Ր Գ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՅԼ ՊԵՏԱԿԱՆ ՄԱՐՄԻՆՆԵՐԻՑ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՏԱՔԻՆ ԳՈՐԾԵՐԻ ՆԱԽԱՐԱՐՈՒԹՅՈՒՆ
ԾԱՌԱՅՈՂՆԵՐԻ ԳՈՐԾՈՒՂՄԱՆ

1. Սույն կարգով կարգավորվում են Հայաստանի Հանրապետության պետական մարմիններից (այսուհետ՝ պետական մարմին) այդ մարմինների աշխատակազմերում համապատասխան ծառայության պաշտոն զբաղեցնող անձանց (այսուհետ՝ ծառայող) Հայաստանի Հանրապետության արտաքին գործերի նախարարություն (այսուհետ՝ նախարարություն) գործուղման հետ կապված հարաբերությունները:

2. Ծառայողը պետական մարմնի աշխատակազմից նախարարության աշխատակազմ կամ աշխատակազմի առանձնացված ստորաբաժանում, Հայաստանի Հանրապետության օրենսդրությանը համապատասխան, գործուղվում է նախարարության և տվյալ պետական մարմնի միջև պայմանավորվածության համաձայն:

3. Ծառայողը, որպես կանոն, գործուղվում է նախարարության աշխատակազմի կամ աշխատակազմի առանձնացված ստորաբաժանում՝ իր զբաղեցրած պաշտոնին հավասարազոր դիվանագիտական ծառայության պաշտոնի նկարագրում նշված գործառնությունները կատարելու նպատակով:

4. Գործուղման վերաբերյալ սույն կարգի 2-րդ կետով նախատեսված պայմանավորվածությունը ձեռք բերելիս նշվում է նաև գործուղման ժամկետը:

5. Սույն կարգի 2-րդ կետով նախատեսված պահանջների պահպանմամբ պայմանավորվածության ձեռքբերումից հետո պետական մարմնի համապատասխան պաշտոնում

նշանակելու իրավասություն ունեցող պաշտոնատար անձը որոշում է ընդունում ծառայողի գործողման մասին, իսկ Հայաստանի Հանրապետության արտաքին գործերի նախարարն ընդունում է որոշում գործողված ծառայողին նախարարության աշխատակազմի համապատասխան ստորաբաժանումում համապատասխան պարտականություններ կատարելը հանձնարարելու մասին:

6. Ծառայողը գործողման ընթացքում օգտվում է օրենքով սահմանված իրավունքներից և կրում է օրենքով սահմանված պարտականությունները:

7. Գործողման ժամկետը հաշվարկվում է համապատասխան ծառայության ստաժի մեջ:

8. Գործողման ընթացքում ծառայողի նկատմամբ խրախուսանքի միջոցներն ու կարգապահական տույժերը կիրառվում են օրենքով սահմանված կարգով՝ Հայաստանի Հանրապետության արտաքին գործերի նախարարի առաջարկությամբ:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ

Դ. ՍԱՐԳՍՅԱՆ

Հավելված N 3
ՀՀ կառավարության 2011 թվականի
սեպտեմբերի 22-ի N 1348 -Ն որոշման

Ց Ա Ն Կ

ԴԻՎԱՆԱԳԻՏԱԿԱՆ ԾԱՌԱՅՈՒԹՅԱՆ ԵՎ ՔԱՂԱՔԱՑԻԱԿԱՆ ԾԱՌԱՅՈՒԹՅԱՆ
ՀԱՎԱՍԱՐԱԶՈՐ ՊԱՇՏՈՆՆԵՐԻ

Դիվանագիտական ծառայության պաշտոնի անվանումը	Քաղաքացիական ծառայության պաշտոնի անվանումը Հայաստանի Հանրապետության Նախագահի և Հայաստանի Հանրապետության կառավարության աշխատակազմերում	Քաղաքացիական ծառայության պաշտոնի անվանումը Հայաստանի Հանրապետության պետական այլ մարմիններում
1	2	3
Առանձնացված ստորաբաժանման պետ	վարչության (քարտուղարության) պետ, ծառայության ղեկավարի տեղակալ	աշխատակազմի ղեկավարի տեղակալ, գործակալության (տեսչության) պետ
Առանձնացված ստորաբաժանման պետի տեղակալ	վարչության (քարտուղարության) պետ, ծառայության ղեկավարի տեղակալ, վարչության (քարտուղարության) պետի տեղակալ	վարչության պետ, ներքին ստորաբաժանումներ ունեցող քարտուղարության պետ, գործակալության (տեսչության) պետի տեղակալ
Վարչության պետ	վարչության (քարտուղարության) պետ, ծառայության ղեկավարի տեղակալ, վարչության (քարտուղարության) պետի տեղակալ	վարչության պետ, ներքին ստորաբաժանումներ ունեցող քարտուղարության պետ, գործակալության (տեսչության) պետի տեղակալ
Խորհրդական	ինքնուրույն և ոչ ինքնուրույն բաժնի վարիչ, խորհրդատու	վարչության պետի տեղակալ, ներքին ստորաբաժանումներ ունեցող քարտուղարության պետի տեղակալ, ինքնուրույն և ոչ ինքնուրույն բաժնի վարիչ, գործակալության (տեսչության) բաժնի վարիչ
Բաժնի վարիչ	ինքնուրույն և ոչ ինքնուրույն բաժնի վարիչ, ինքնուրույն և ոչ ինքնուրույն բաժնի վարիչի տեղակալ, խորհրդատու	վարչության պետի տեղակալ, ներքին ստորաբաժանումներ ունեցող քարտուղարության պետի տեղակալ, ինքնուրույն և ոչ ինքնուրույն բաժնի վարիչ, գործակալության (տեսչության) բաժնի վարիչ
Առաջին քարտուղար	վարչության և ոչ ինքնուրույն բաժնի գլխավոր մասնագետ, ինքնուրույն	վարչության գլխավոր մասնագետ, ինքնուրույն և ոչ ինքնուրույն

	և ոչ ինքնուրույն բաժնի վարիչի տեղակալ, խորհրդատու, ինքնուրույն բաժնի գլխավոր մասնագետ	բաժինների վարիչների տեղակալներ, ոչ ինքնուրույն բաժնի գլխավոր մասնագետ, գործակալության տեսչության) գլխավոր մասնագետ
Երկրորդ քարտուղար	ինքնուրույն բաժնի գլխավոր մասնագետ	վարչության գլխավոր մասնագետ, ինքնուրույն և ոչ ինքնուրույն բաժինների պետերի տեղակալներ, ոչ ինքնուրույն բաժնի գլխավոր մասնագետ, գործակալության տեսչության) գլխավոր մասնագետ
Երրորդ քարտուղար	վարչության և ոչ ինքնուրույն բաժնի առաջատար մասնագետ	ինքնուրույն բաժնի գլխավոր մասնագետ
Կցորդ	ինքնուրույն բաժնի առաջատար մասնագետ	վարչության և ոչ ինքնուրույն բաժնի առաջատար մասնագետ, գործակալության (տեսչության) բաժնի առաջատար մասնագետ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ

Դ. ՍԱՐԳՍՅԱՆ